



SULEQATIGIISSTSUT
SAMARBEJDSPARTIET

UKA2018/150

Tillie Martinussen

31. oktober 2018

(Inatsisartunut ilaasortaq Peter Olsen, Inuit Ataqatigiit)


**Qanoq ililluta nunatta iluani timersornikkut pitsangorsaallutalu
ineriartortitseqqissinnaanerput pillugu apeqqutaat aallaavigalugu oqallinnissamik
siunnersuut? Nunatta nunanut allanut unammisartoqarnerup tungaatigut inerisaajumalluta
timersoqatigiiffiit nunatsinni pissartangorniuutarnerit avataatigut nunatta iluani
unammisaqtaartarnerat akulikinnerulersinneqassappat taava qanoq
iliuuseqartariaqarpugut?**

(Inatsisartunut ilaasortaq Tillie Martinussen, Suleqatigiissitsisut)

Qujanaq siunnersuuteqartumut manna oqallinneq pissanganartoq qaqimmagu. Isumaqtigaatsigit
timersorneq pingartinneqartariaqarmat aamma isumaqtigaatsigit pissangavissornikuugatta -
nunatut ataatsimoorluta - kingullermik assammik assarneri isikkamillu arsarnermi
pissartangorniuttoqarmat aamma Pan-Am-im.

Kalaallit Nunaanni Timersoqatigiit Kattuffiata oqaatigaa, timersorneq pinaveersaartitsisuusoq
kiisalu ataatsimuulersitsisartoq, oqaatsit, suaassuseq, upperisaq, isertitat aamma allat
apeqqutaatinnagit.

Oqaatigeqqissavarput iluaqtaasumik allatseqarfimmik pilersitsisinnaagaluarata imaluunniit allamik
nammineq piumassutsiminnik suliaqartartunik peqatigiiffinnik tapersersuisinnaasumik aamma
ilinniarlugu kikkut tamarmik peqataaffigisinnaasaannik attavinnik pilersitsinissaq,
aninggaasaateqarfinnut aninggaasaliisussarsiorerni aamma assigiinngitsunik suliallit suliaasa
ataqatigiissarnissaat il.il. eqqarsaatigalugit



SULEQATIGISSITSISUT
SAMARBEDSPARTIET

Isumaqaqluinnarpugut timersorneq tapiiffigineqartartoq aamma tapiiffigineqartariaqartooq aamma nuannaarutigaarpot timersornerup nuannersorpassuarnik misigisaqartittarmatigut soorlumi aamma timersorneq pinaveersaartitsisartoq taamatullu timersornermut peqataaneq meeqqanut inuusuttunut, utoqqarnut, arnanut angutinullu peqqinnartuusoq.

Oqaatigisinnaavarput siusinnerusukkut ivigaasanik qallikanut arsaattarfinnut tapiinikuugatta - atorluarneqalersimasunut. Isumaqaqpugut timersortarfiit siuarsarnissaat eqqarsaatigisariaqrapput, timersortarfiit nutarternissaat, illuutit allinissaat aamma peqatigiiffiit taakkulu allattoqarfiisa suleqatigiinnerulernissaat, tassunga ilanggullugit timersoqatigiiffiit.

Aamma tikkuarusupparput peqatigiiffiit nunani allaniittunik peqatigiiffinnik ikinngutiminnik suleqateqartarnerat ilaatigut sungiusaasunik paarlasseqatigiittarlutik, arsartartunik il.il. piumassuseqalersitsisartumik nukissaqarnerulersitsisartumillu, ineriartoqqinnissamut timersortartut pikkorinnerulernissaat pillugu ullumimut naleqqiullugu.

Taamatut naatsumik oqaaseqarluta qilanaarpugut uummaarissumik oqallittoqarnissaanut.